

Te hasta Ministro di Curaçao ta cuestiona daño y perhuicio pa Paul van der Sloot

ORANJESTAD (AAN) — Na Curacao e informacion encuan to e caso di daño y perhuicio di 50 mil Florin pa Paul van der Sloot a cay manera un bom y specialmente cerca esnan cu a bira victima di erornan grandi di e aparato hudicial na Antiyas.

Ta pesey tambe reaccion di nada mas y nada menos cu ministro David Dick kende tambe tabata victima di eror di husticia tabata uno duro y directo.

Ministro di husticia David Dick a bira victima di eror di husticia tempo cu e tabata diputado di gobierno di Curacao relaciona cu acusacionnan falso den su direccion encuan to eseandalo di aeropuerto.

E tempo ey el a baha como diputado y entrega su puesto como diputado y a bay sera pa algun dia pa despues keda un aña y pico sin entrada.

Despues David Dick tambe a bay busca su derechonan y a gana su caso pero e recompensa cu el a haya como daño y perhuicio ta ilustra awe un biaha mas e discrepancia grandi cu tin den husticia di clase na Antiyas y Aruba pasobra señor Dick a haya solamente 1250 Florin y asina tin mas caso na Antiyas y Aruba unda cu sumanan miserable a worde duna na ciudadanonan cu inhustamente a worde deteni y perhudica door di erornan cometi den aparato hudicial / policial.

Awor Paul van der Sloot si ta bay haya 50 mil Florin di daño y perhuicio y e informacion ey a cay den masha mal tera mes na Antiyas y Aruba tambe pasobra keto bay tin entre otro varios mayor pendiente pa e caso di detencion cu forza bruto di e supuesto gang di Dakota cu lo tabata peligroso y arma cu te hasta handgranaat.

Te cu awe ni ministerio publico ni polis por a bin cu pruebanan duro pa muestra cu e muchanan, mayoria menor di edad, cu a worde deteni door di team di aresto di polis cu a bay na tur e casnan y basha porta abao, hisa hende benta abao y te hasta hende di edad avansa a worde mentalmente y fisicamente maltrata, tabata forma parti

di loke polis tabata sospecha di tabata un organizacion criminal.

Mientras e caso di gang di Dakota no keda solucionado, no ta keda nada otro cu saca e conclusion cu autoridadnan kier a score cu publicidad durante e temporada di carnaval pa muestra pueblo cu accion duro lo garantiza un temporada di carnaval trankil y sigur pa tur hende.

Si realmente tabata tin armanan di candela y handgranaat den wega y esnan deteni tabata involvi den un organizacion criminal cu tabata forma un peligro pa tur hende durante temporada di carnaval y despues e ora ey autoridadnan tabata tin tur derecho pa por a actua manera nan a actua anto asina mes bo tin cu puntra bo mes si un grupo di homber grandi fuertemente arma mester a bay cu forza extremadamente bruto pa detene algun mucha cu cualkier polis cu experiencia

por a detene haciendo uzo di loke nos grandinan tabata yama un bon canti man educativo.

Si Paul van der Sloot cu a worde deteni na un forma suave por haya 50 mil Florin di daño y perhuicio anto ta cuanto famia di esnan cu a worde inhustamente deteni den caso di gang di Dakota lo por haya anto?

Ningun team di aresto a bay basha porta di cas di famia Van der Sloot abao y hisa tur miembro di famia Van der Sloot benta abao, pone nan den handboei y tapa nan cabes pa despues hiba nan bay sera pa simannan largo.

Pero den e caso aki pasobra ta trata di un hulandes europeo kende tabata forma parti di e aparato hudicial na Aruba y Antiyas pesey su mesun ex coleganan a percura pa e haya un daño y perhuicio asina desproporcional compara cu loke Arubianonan y Antianonan a yega di haya?

Cu tipo di sentencianan asina, husticia na Antiyas y Aruba mes ta percura pa

credibilidad di husticia en general worde cuestiona door di pueblo.

Patan a core bay laga articolonan cay

ORANJESTAD (AAN): E problema di Choller den Centro di Oranjestad ta serio, tur dia por constata mas y mas di e adictonan ta circula. Ta parce cu ta un consehero un tal "Mini" so no sa, sea e no kier sa of e ta ciego di tur loke ta problema social.

Ata un otro caso cu a tuma lugar pasa di mei anochi. Den Schelpstraat tabata pasando un patruya di Polis, e agentenan tabata atento y a tuma nota di un homber cu ta bahando for di un auto.

Pero e polisnan a haya poco straño ya cu ta trata aki di e homber "Patan", conocido di polis y husticia. Diripiente e homber aki cu a nota nan presencia, a cuminsa core. Na caminda e tal "Patan" aki a laga varios articulo cay. Den cercania di un night club polis a logra gare y detene R.G.R. di 34 aña mihor conoci como "Patan".

E articulonnan cu e ladron aki a laga cay tabata consisti di 4 CD, DVD y un tas color shinishi.

CLONE VALLEY!!

ERIC ZAANDAM TE AINDA MI NO POR SACA AFO DICON BO TA GRITA CU POLITIEK A DRENTA CUERPO POLICIAL ?!!

RUDY, PUNTRA JOSE FELICIANO Y STEVIE WONDER, NAN TAMBE A WAAK E !!

